

四庫全書

史部

欽定四庫全書

史部

皇朝文獻通考卷二百三十二至
五

中書_臣張經田履勘

總校官檢討_臣何思鈞

欽定四庫全書

皇朝文獻通考卷二百三十二

經籍考

二十二

集

別集

忠貞集十卷

范承謨撰承謨字覲公號螺山鑲黃旗漢軍人大學士文程子順治壬辰進士改庶吉士授宏文院編修官至浙閩總督殉耿逆之難

賜諡忠貞

臣等謹按是集首錄

諭祭文

御製碑文

御題祠額附以家傳祠堂記為一卷次撫浙督閩奏議各一卷吾廬存稿一卷百苦吟一卷畫壁遺稿一卷雜著一卷附錄題跋哀挽詩文三卷其畫壁詩乃為耿逆拘繫時備受窘毒守者屏絕筆墨以桴炭

畫宇壁上自抒忠憤後僅存四十七首為世傳誦
列入吳震方說鈴中康熙五十七年其子時崇復
以遺稿進

呈蒙

聖祖仁皇帝御製序文并諸簡首仰見

眷懷忠烈扶植綱常千百世下猶想見其抗節之槩焉

遂初堂文集九卷

楊兆魯撰兆魯字青巖武進人順治壬辰進士官

至福建延平道按察司副使

見山樓詩文集

無卷數

撫皖治畧一卷撫楚治畧

一卷穀城水運紀畧一卷

楊素蘊撰素蘊見史類

素蘊自序水運紀畧曰逆藩吳三桂既叛之明年

五月襄陽總兵楊來嘉及鄖陽副將洪福相繼叛

附踞房保二竹間陷穀城蹂均州南漳一路

王師由均南穀三路恢復房保仍留兵防守月需米

若干自襄陽至均州南漳又至房保康各數百里
並山逕不通車牛扳藤負重血流被足日行不三
十里若雨溜崖石一蹉跌即人米並墮壑中雨稍
久即山水突發湍洶不能飛渡素蘊於十七年四
月授鄖陽道首以此為憂退而思明季楊嗣昌督
師勦張獻忠正當此地其運糧必自有道日進楚
人而訪之有團練長以穀城菜園坪之小河告乃
申報三院覓舟修緯路繕塘房又慮賊巢逼近撥

兵防護其始行也即減三郡夫十分之三久則民
船人夫爭集自八月至來年三月可得十運足各
營一歲之食即其間民得力耕故列其經理文告
之詞於後而記之

學源堂文集十八卷

郭棻撰棻字快圃清苑人順治壬辰進士官至翰
林院侍讀學士

蓮龕集十五卷

李來泰撰來泰字仲章號石臺臨川人順治壬辰
進士官工部虞衡司主事康熙己未

召試博學鴻詞授翰林院侍講

司勲五種集二十卷

王士祿撰士祿見史類

林蕙堂集二十六卷

吳綺撰綺見史類

王方岐序曰綺所著亭臯集菰香詞林蕙堂文集

諸編綺沒之後其子壽潛蒐訪遺稿合而編之

飲和堂集二十一卷

姚夔撰夔字冑師號成莽山陰人順治甲午舉人

官安化縣知縣

託素齋集十卷

黎士宏撰士宏字媿曾長汀人順治甲午舉人官

至陝西布政司參政

漣漪堂遺稿二卷

沈峻曾撰峻曾字竄庵仁和人順治甲午副榜貢

生

半農齋集八卷

蔣中和撰中和字本達又字眉三靖江人順治乙未進士官蘭陽縣知縣遷滄州州判

陸密庵文集二十卷錄餘二卷詩集八卷詩餘四卷

陸求可撰求可字咸一淮安人順治乙未進士官

至刑部郎中

恥躬堂文集二十卷

王命岳撰命岳字伯咨號恥古晉江人順治乙未進士官至刑科給事中

澹餘軒集八卷

孫光祀撰光祀字忭庭號潮玉厯城人順治乙未進士官至兵部侍郎

西陂類稿三十九卷

宋犖撰犖見史類

陳廷敬跋曰犖詩某稿某集者凡三十有四而文稱是焉西陂者犖舊廬也

南沙文集八卷附錄一卷

洪若皋撰若皋字虞隣臨海人順治乙未進士官至福建按察司僉事

漁洋文畧十四卷 蠶尾集十卷續集二卷後集二卷

王士禎撰士禎見史類

門人張雲章序文畧曰以先生為今之太白子美
羣知非溢美語以先生之文為昌黎柳州之文容
有或信或不信者

士禎自序蠶尾集曰偶次甲子使粵以前及丁卯
以後詩文稍成卷帙因以蠶尾名集

臣等謹按士禎詩文鏤版者甚夥其詩推重一時
古文雖詞章修潔要非專門當時自有公論蠶尾

諸集乃康熙甲子奉

命祭告南海後所作詩文因阻雪東平望小洞庭中蠶尾
山悅其清遠取以名集猶之漁洋為太湖中小山
取以自號也其詩之單行者別入詩集類中茲不
具錄

堯峯文鈔五十卷 鈍翁前後類藁一百十八卷

汪琬撰琬字茗文號鈍翁晚居堯峯因以自號長
洲人順治乙未進士官至刑部郎中左遷兵馬司

指揮再陞戶部主事康熙己未

召試博學鴻詞授編修

七頌堂集十四卷

劉體仁撰體仁見子類

雪鴻堂文集十八卷

李蕃撰蕃字錫徵號懶庵通江人順治丁酉舉人

官黃縣知縣

闇修齋稿一卷

蕭企昭撰企昭見子類

改亭詩集六卷文集十六卷

計東撰東字甫草吳江人順治丁酉舉人

庸書二十卷

張貞生撰貞生見史類

安序堂文鈔二十卷

毛際可撰際可字會侯號鶴舫遂安人順治戊戌

進士官彰德府推官

臣等謹按際可與毛先舒毛奇齡名望相埒世稱三毛實則亞於先舒而遜於奇齡也初刻詩文曰松皋堂集此則彙而行之又曰會侯文鈔者乃淳安方棨如所重刻也

午亭文編五十卷 午亭集五十五卷

陳廷敬撰廷敬字子端號說巖澤州人順治戊戌進士改庶吉士授檢討本名敬以是科有同名奉

旨加廷字官至大學士諡文貞

臣等謹按廷敬遭遇

熙時和聲鳴盛從容載筆垂四十年海內羣推燕許大手實能與王士禎汪琬並駕齊驅故二人亦甚重之自序謂得汪王砥礪之力為多又曰於汪王不苟雷同則其虛衷若谷與不肯隨人步趨之槩均可想見故能回翔館閣上副

主知非偶然也

挹奎樓文集十二卷 吳山穀音八卷

林雲銘撰雲銘見楚詞類

經義齋集十八卷 澡修堂集十六卷

熊賜履撰賜履見史類

臣等謹按前十八卷乃賜履丁憂家居時所刻後十六卷則辛未起復及癸酉致仕十三年中所作經義齋澡修堂皆

聖祖仁皇帝御賜扁額之名

槐軒集十卷

王曰高撰曰高字北山號槐軒荏平人順治戊戌進士由庶吉士改給事中

霞園文集一卷詩集三卷

鄭重撰重字山公建安人順治戊戌進士官至刑部左侍郎

荆南墨農全集

無卷數

徐喈鳳撰喈鳳字竹逸宜興人順治戊戌進士官

永昌府推官

靜庵集十二卷

鄭日奎撰日奎字次公貴谿人順治己亥進士改庶吉士散館授禮部主事

讀書齋偶存稿四卷

葉方藹撰方藹字子吉號詡庵崑山人順治己亥進士第三官至翰林院學士兼禮部侍郎加禮部尚書銜諡文敏

王原祁序曰方藹詩宗蘇陸文宗眉山生平嗜王

士禎之詩汪琬之文實兼有二家之長

臣等謹按方藹以文章受知

世祖章皇帝榮冠詞林後復蒙

聖祖仁皇帝召入

內廷從容載筆以

兩朝教育之恩際一時明良之會故其詩文春容和雅歌

咏昇平洵乎

治世之音蔚為臺閣之望也

日知堂文集六卷

鄭端撰端見史類

願學堂集二十卷

周燦撰燦字星公臨潼人順治己亥進士官至南

康府知府

世德堂集四卷

王鉞撰鉞見史類

月巖集五卷

周禮撰禮字情畊號月巖宜黃人

思誠堂集二卷

吳琬撰琬號銅川沁州人順治己亥進士官至大學士諡文端

臣等謹按琬此集詩僅五十三首餘皆奏疏禡文

並督撫楚中時牌示

聖祖仁皇帝嘗

親書千文以賜伏讀

御跋云璵為人寬厚和平持已清潔先任封疆文武軍民受其實惠者至今頌之朝中之事面折廷爭必得其正則璵生平立朝風采已可想見讀是集者益見

望祖知人善任洵所謂文以人重者矣

松桂堂全集三十七卷 延露詞三卷 南淮集三卷

彭孫適撰孫適字駿孫自號羨門生海鹽人順治

己亥進士官中書舍人康熙己未

召試博學鴻詞擢第一改編修官至吏部侍郎

古愚心言八卷

彭鵬撰鵬字奮斯莆田人順治庚子舉人康熙甲寅耿逆之叛九拒偽命卒不污賊平授三河縣知縣官至廣東巡撫

聊園全集十五卷

孔貞瑄撰貞瑄見經類

葉忠節遺稿十三卷

葉映榴撰映榴字炳霞號蒼巖上海人順治辛丑
進士官至湖廣布政司參議武昌叛兵夏包子作
亂映榴死之

特贈工部侍郎

賜諡忠節

臣等謹按映榴嘗與李基和合刻詩集朱彝尊序
之及殉節後其子萼芳彙裒其詩文重刻是集彝

尊又為之序蓋映榴之節足炳霄漢固不僅其文之足傳也已

張文貞集十二卷外集二卷

張玉書撰玉書字素存丹徒人順治辛丑進士官

至大學士諡文貞

臣等謹按玉書文章爾雅簪筆有年所撰拖諾山

等二碑詳述

聖武耆定之功足以昭示萬世其紀平定江南等事彰

定鼎之鴻勳至為詳核至於

賜遊玉泉山等記尤肅雝典麗覺太平愷樂之象溢於簡
端其他記述多有資於掌故惟遺稿未經刪定不
分卷帙募疏祭文之屬頗病繁蕪四庫全書汰其
冗濫釐為十二卷則淨洗微瑕粹然完璧矣

柴村集十九卷附錄一卷

邱志廣撰志廣字粟海號洪區又號蝶庵諸城人
世居柴村由貢生官長清縣訓導

李澄中序畧曰舅氏詩文雜以詼諧出以調笑亦
覺風流蘊藉固不宜人

晚簾集七卷

陳箴撰箴字于寶龍溪人由貢生官連城縣教諭

中巖集六卷

宋振麟撰振麟字子貞號中巖淳化人順治中拔

貢生

鴻逸堂稿

無卷
數

王良撰良見經類

止泉文集八卷

朱澤雲撰澤雲見子類

欣然堂集十卷

陶孚尹撰孚尹字誕仙江陰人官桐城縣訓導

夢華子遺集一卷

吳垌撰垌字季野宣城人

王士禎居易錄曰吳垌文學戰國短長及管韓荀

卿子作準言以擬權書其正學觀時斂禍諸篇可
自作一子

荆樹居文畧十卷

李懋緒撰懋緒字汝時號止所江陵人

谷水集二十二卷

胡夏客撰夏客字宣子海鹽人順治中諸生

臣等謹按夏客為前明兵部職方司郎中震亨之

子震亨撰唐音統籤時夏客實司校纂蓋其家藏

書最富稽覽既博才氣自豪是集凡詩二十卷雜
文二卷里人陳光祿序之且為之傳與箋焉

果堂文鈔六卷詩鈔七卷

李鄴嗣撰鄴嗣字果堂鄆縣人順治中諸生

黃宗羲序曰鄴嗣詩文從胸中流出無比擬皮毛
之習

孔天徵文集

無卷
數

孔尚典撰尚典字天徵號汶林江西新城人順治

中歲貢生

懷葛堂文集十五卷

梁份撰份字質人南豐人

草亭文集一卷

彭任撰任字遜仕號中叔寧都人

孔鍾英集十卷

孔毓瓊撰毓瓊字鍾英江西新城人

孔惟敘集六卷

孔毓功撰毓功字惟敘江西新城人

江沔閣文集四卷續集二卷

冷士崱撰士崱字又湄丹徒人

懷舫集三十六卷

魏荔彤撰荔彤見經類

臣等謹按荔彤為大學士裔介之子然是集末附
自述一篇中有云手注九古經望道窺一貫發微
言明大義不落前儒窠臼則未免過於自詡矣

秋水集十六卷

馮如京撰如京字紫乙代州人順治中拔貢生官至廣東左布政使

偶然云集十卷

湯之錡撰之錡字世調宜興人

江南通志曰之錡論學以周子主靜之說為宗仿高攀龍復七規春秋兩會

北墅緒言五卷

陸次雲撰次雲見史類

尋壑外言五卷

李繩遠撰繩遠見史類

白淩文集四卷

沈受宏撰受宏字台臣太倉人

芙蓉集十七卷

宗元鼎撰元鼎字定九號梅岑江都人

王士禎漁洋詩話曰元鼎詩以風調勝酷似才調

集其緣情綺靡不減西崑丁卯

不礙雲山樓稿

無卷數

周綸撰綸見子類

臣等謹按是編無目錄亦未載序跋似非全本

天外談四卷

石龐撰龐字天外太湖人

復園文集六卷

董聞京撰聞京字丹鳴烏程人官至吉安府知府

章江集五卷

安世鼎撰世鼎字鑄九鑲紅旗漢軍人官至江西
巡撫緣事褫職

政書八卷

于成龍撰成龍見史類

臣等謹按成龍起家令牧至兩膺節鉞所至以清
節著名是書八卷皆其歷任所紀平生規畫具著
篇中經濟鴻才固非漫無挾持者比也

抱犢山房集六卷

嵇永仁撰永仁字留仙別號抱犢山農無錫人以諸生佐總督范承謨幕殉耿逆之難康熙四十七年追贈國子監助教

古懽堂集三十六卷附黔書二卷長河志稽考十卷

田雯撰雯字子綸一字綸霞號山蘊德州人康熙甲辰進士授中書舍人官至戶部侍郎

趙執信跋曰子綸詩中無人然偏師馳突能自成
一隊談藝者弗能廢也

王士禎序曰黔書不一格有似考工記者有似公
穀檀弓者有似越絕書者如觀偃師化人之戲然
與長河志籍考實皆祖郭憲洞冥記王嘉拾遺記
之體

讀書堂集四十六卷

趙士麟撰士麟雲南河陽人康熙甲辰進士官至

吏部侍郎

九谷集六卷

方殿元撰殿元字蒙章別號九谷番禺人康熙甲辰進士歷官郟城江寧二縣知縣

耿巖文選

無卷數

沈珩撰珩字昭子海寧人康熙甲辰會試第一授內閣中書已未

召試博學鴻詞授編修

文端集四十六卷

張英撰英見經類

臣等謹按英蒙

聖祖仁皇帝特達之知簪毫

禁闥榮冠清班矢音賡唱歌詠昇平故詩格亦進而
益上是集和平典雅玉質金相館閣諸臣皆推為
詞林鉅手至於言情賦景又多淡遠清微葢燕許
闕麗之格與儲孟高曠之體兼而有之者也

健松齋集二十四卷續集十卷

方象瑛撰象瑛見史類

百尺梧桐閣集二十六卷

汪懋麟撰懋麟字季角號蛟門江都人康熙丁未進士官刑部主事

學文堂集四十三卷 別本學文堂集四十七卷
陳玉璫撰玉璫字麋明號椒峯武進人康熙丁未進士官中書舍人

王暉今世說曰玉璫每讀書至夜分兩眸欲合如綫輒用艾灼臂久之成痂所為詩文旬日之間動至盈尺見者遜其俊才

五經堂文集五卷語錄一卷

范鄔鼎撰鄔鼎見史類

鐵廬集三卷外集二卷後錄一卷

潘天成撰天成字錫疇溧陽人寄籍桐城安慶府

學生

溧陽縣志曰天成幼與父母避讐相失年十五乞食行求過於江西界百計迎歸傭販以養備極艱苦以其間讀書講業竟為積學年七十四訖窮餓以死

臣等謹按瞿源淶集有潘孝子傳敘述頗詳蓋天成天性真摯篤志苦行故文章亦如其人當時操觚之士未必重之而身後之名昭如日月洵足為

聖朝扶植綱常砥礪名節而尤難其出自寒門食貧終

老古之所為獨行君子者其天成之謂乎

縱釣居文集八卷

應是撰是見經類

殘本鮑庵遺集三卷

石璜撰璜字夏宗別號鮑庵如皋人

懌園集三十八卷

徐乾學撰乾學見經類

榕村集四十卷

李光地撰光地見經類

三魚堂文集十二卷外集六卷附錄一卷

陸隴其撰隴其見經類

隴其從子禮徵識曰從父平生不為詩古文詞尤以濫刻文集為戒故易簣時篋中無遺稿至康熙辛巳禮徵乃旁搜廣輯彙成是集而屬侯銓編次焉

臣等謹按隴其學問經術卓然為

國家理學之儒集中奏議公牘正其明體達用之學
確然見之行事者乃列之為外集至詩歌非隴其
所長轉列之為內集則本末倒置毋乃非隴其之
旨歟是編次者之失也

皋軒文編一卷

李光坡撰光坡見經類

白石山房稿十三卷 別本白石山房稿二十六

卷

李振裕撰振裕字維饒吉水人康熙庚戌進士官
至兵部尚書

已畦集二十一卷原詩四卷

葉燮撰燮見史類

趙恭毅剩稿八卷附裘萼賸稿三卷

趙申喬撰申喬武進人康熙庚戌進士官至戶部

尚書諡恭毅裘萼賸稿其子熊詔撰熊詔字裘萼

康熙己丑進士第一官至翰林院侍讀

藕灣全集二十九卷

張仁熙撰仁熙見子類

臨野堂文集十卷

鈕琇撰琇見子類

芝在堂集十五卷

劉醇驥撰醇驥見經類

立命堂二集十三卷

嵇宗孟撰宗孟字淑子山陽人官至杭州府知府

沈珩序曰已刻賦若干卷詩若干卷文若干卷故二
編為二集計賦十二首詩四百三首文八十八首
凡七卷七卷以下附刻各種小集曰蟲史曰星路
陽秋曰識小箋曰詩母曰甌樂行舊錄皆各為一
卷又詩餘一卷曰酒古董

有懷堂詩文稿二十八卷

韓炎撰炎字元少號慕廬長洲人康熙癸丑進士
第一官至禮部尚書乾隆三十年

賜諡文懿

朱彛尊序曰莢文學臨海朱石所選唐宋六家

蘋村類稿三十卷附錄二卷

徐倬撰倬字方虎號蘋村德清人康熙癸丑進士官至翰林院侍讀

聖祖南巡進所纂全唐詩錄晉禮部侍郎附錄二卷其子

元正遺稿元正字子貞號靜園康熙乙丑進士官

至工部尚書

禮山園文集八卷

李來章撰來章見史類

殘本經史緒言一卷

朱董祥撰董祥見經類

南昀文集十二卷 湯潛庵文集節要八卷

彭定求撰定求見史類

臣等謹按定求受業於湯斌斌之學出於孫奇逢而根柢於姚江是集留意於文章之有闕學術者

而持論則能持朱陸之平無所偏倚節要八卷則
擇其師遺書諸刻中有切於身心者倣聶豹南軒
節要之例而纂之者也

旭華堂文集十四卷補遺一卷續編一卷

王英曾撰英曾字元亮別字思顯號誠軒山西太
平人康熙丙辰進士官至湖廣道監察御史

通志堂集十八卷附錄二卷

納喇性德撰性德見經類

蕪山堂集八卷

陳錫嘏撰錫嘏字介眉號怡庭鄞縣人康熙丙辰進士官翰林院編修

蘧廬草一卷

黃鍾撰鍾字宏音號蘧廬如皋人康熙中諸生
青門麈稿十六卷附邵氏家錄一卷青門旅稿六
卷青門賸稿八卷

邵長蘅撰長蘅一名衡字子湘武進人

曝書亭集八十卷附錄一卷 竹垞文類二十六

卷

朱彝尊撰 朱彝尊見史類

臣等謹按趙執信談龍錄以彝尊王士禎為

國朝大家謂王之才高而學足以副之朱之學博而

才足以運之蓋彝尊如涵既富自根柢宏深實則

論其詩固與士禎分途並騫論其文更在漁洋文

畧之上自順治乙酉迄康熙己丑凡六十五年之

作具載是集至文類二十六卷乃未入翰林時所
刻王士禎為作序極稱其永嘉詩中南亭西射堂
孤嶼瞿溪諸篇至有曝書亭集所未錄者則自悔
其少作而汰之也

西河文集一百七十九卷

毛奇齡撰奇齡見經類

門人蔣樞識畧曰先生自康熙三十八年以後越
五年而歸又九年而卒中間研講殆無虛日所積

全集卷三十二
經集文集如十卷既刻而原目未載者今悉補入
但全集板多殘缺從孫聖臨重檢校輯其無從補
輯者闕而有待如經集之儀禮疑義文集之文例
策問表是也

臣等謹按奇齡著述最富除分載各部外此一百
七十九卷則當編入集部者也

陳檢討四六二十卷

陳維崧撰維崧見史類

王士禎古夫于亭雜錄曰陽羨陳其年諸生時老
於場屋小試亦多不利已未博學鴻詞之舉以詩
賦入翰林不數年病卒京師及沒而其鄉人蔣京
少景初刻其遺集無隻字遺失皖人程叔才師恭
又注釋其四六文字以行於世一以桑梓後進一
以平生未面之人而收拾護惜其文章如此

攷堂文集二卷

張烈撰烈見經類

西堂全集五十六卷 鶴棲堂詩稿五卷文稿五卷

尤侗撰侗見史類

臣等謹按侗詩文類多綺靡恒傷率易江南通志載其全集五十九卷朱彝尊撰墓誌銘則云五十卷彼此互異鶴棲堂者康熙己卯

聖祖南巡

御題賜侗者也故肯載侗恭撰

御題鶴樓堂記及其子孫紀

恩之作並附錄同時投贈詩文于後朱彝尊所謂鶴樓堂稿十卷合詩文計之適得其數也

遂初堂文集二十卷詩集十五卷別集四卷

潘耒撰耒見經類

抱經齋集二十卷附焚餘草一卷

徐嘉炎撰嘉炎字華隱秀水人康熙己未

召試博學鴻詞授檢討官至內閣學士

白茅堂集四十六卷

顧景星撰景星見經類

溉堂前集九卷續集六卷後集六卷詩餘二卷

孫枝蔚撰枝蔚字豹人三原人康熙己未薦舉博學鴻詞以老病不能入試授中書舍人

叢碧山房集五十七卷附詩義固說二卷

龐塏撰塏字霽公號雪崖任邳人康熙己未

召試博學鴻詞授檢討降中書舍人終建寧府知府

二曲集二十二卷

李顥撰 顥見經類

卧象山房集三卷 附錄二卷 白雲村集八卷

李澄中撰 澄中見史類

秋錦山房集二十二卷

李良年撰 良年字武曾 秀水人 初冒姓虞名兆潢

康熙己未 嘗薦舉博學鴻詞

聰山集十四卷

申涵光撰涵光字孚孟亦作符孟又曰孟和自號
曰鳧盟永年人恩貢生

思復堂集十卷

邵廷采撰廷采字念魯餘姚人康熙初諸生

拙齋集五卷

朱奇齡撰奇齡見經類

張邇可集四卷

張遠撰遠字邇可蕭山人由貢生官縉雲縣教諭

顧汧序曰遠詩三變蕉園最先梅莊次之雲嶠則
官縉雲時所作為最後三集格調皆與毛奇齡相
近蓋二人同里得法於奇齡者多云

秋水閣文鈔一卷

陳維岳撰維岳字緯雲宜興人維崧之弟

夢鼎堂文集四卷若溪集一卷

任觀瀛撰觀瀛字子登一曰紫登蕭縣人康熙已
未進士官至陝西潼商道

居業齋文集二十卷別集十卷

金德嘉撰德嘉字會公廣濟人康熙壬戌進士官翰林院檢討

德星堂文集八卷續集一卷河工集一卷詩集五卷

許汝霖撰汝霖字時庵海寧人康熙壬戌進士官至禮部尚書

素巖文稿二十六篇

王喆生撰喆生見子類

周廣庵全集三十八卷

周金然撰金然字廣庵上海人康熙壬戌進士官

至司經局洗馬

奉使滇南集

無卷數

許嗣隆撰嗣隆字山濤如皋人康熙壬戌進士官

翰林院編修

歲寒堂存稿十卷

林璐撰璐字鹿庵錢唐人諸生

皇朝文獻通考卷二百三十二

欽定四庫全書

皇朝文獻通考卷二百三十三

經籍考 二十三

集 別集

正誼堂集十二卷

張伯行撰伯行見史類

臣等謹按伯行踐履篤實持守醇正其服官清節
具著一時故能仰邀

宸契平生做法大抵以陸隴其為步趨惟學問則尚有未

逮耳

鶴侶齋集三卷

孫勦撰勦字子未一字予未號莪山又號誠齋德州人康熙乙丑進士官至大理寺少卿終通政司

叅議

寶宸堂集四卷

張希良撰希良見經類

崑崙山房集三卷

張篤慶撰篤慶見史類

匡山集六卷

王沛恂撰沛恂字書巖諸城人官兵部主事

綺樹閣稿一卷

安箕撰箕字書士壽光人

東湖文集三卷

朱璘撰璘字青巖常熟人官至南陽府知府

懷清堂集二十卷

湯右曾撰右曾字西崖仁和人康熙戊辰進士官至吏部右侍郎兼翰林院掌院學士

臣等謹按

國朝以來浙右之以詩名者朱彝尊後即推右曾雖學問根柢未能方駕于朱然才足肩隨誠近時之
斬然獨出者康熙五十二年仰蒙

聖祖仁皇帝垂問其詩掌院學士揆敘錄右曾所作文光

果詩上呈

睿覽並蒙

賜和宸章至今輝煌簡首詞臣謳詠得邀

特達之知實為千古之至幸矣

紺寒亭文集四卷詩集十卷

趙俞撰俞號蒙泉嘉定人康熙戊辰進士

寒村集三十六卷

鄭梁撰梁字禹梅慈谿人康熙戊辰進士改庶吉

士官至高州府知府

梁自述曰陳師道年三十一見黃魯直盡焚其稿而學焉梁見黃梨洲先生時亦三十一故詩文皆以見黃稿為冠

雙雲堂文稿六卷詩稿六卷

范光陽撰光陽字國雯號筆山鄞縣人康熙戊辰進士改庶吉士官至延平府知府

藜乘初集一卷二集二卷

劉以貴撰以貴字滄嵐濰縣人康熙戊辰進士

王道炆跋曰以貴文語意獨造刻鑿探深

嶢山文集四卷詩集一卷

田從典撰從典字克五陽城人康熙戊辰進士官

至文華殿大學士諡文端

儲大文序曰文端文多散佚此乃其子暨族屬所

蒐輯者故僅止于此

潘中丞集四卷

潘宗洛撰宗洛字書原號巢雲又號垠谷宜興人
康熙戊辰進士官至湖南巡撫

臣等謹按卷末附儲大文所作宗洛傳稱其古文

詞上宗史記詩由玉溪詣少陵皆以千古第一人
推之是亦揚人之善而過其實已

時用集

無卷數

陳訐撰訐見史類

訐自序曰家塾署聯用東坡語云春秋古史乃家

法詩筆離騷亦時用故手訂正續集遂以時用標
題

善卷堂四十六卷

陸繁弔撰吳自高註繁弔字拒石錢塘人自高字
若山桐城人官翰林院待詔

臣
等謹按

國朝以四六擅長者陳維崧吳綺最為著名考王昶
今世說曰繁弔自計儷語為海內少雙蓋自時陳

吳謝世罕有與之爭長者耳

湖海集十三卷

孔尚任撰尚任見史類

王士禎序曰尚任從工部侍郎孫在豐治下河時
得漢銅尺一上有文曰慮虎銅尺漢初六年八月
十五日造後又得一尺定為司馬文正布帛尺其
自作漢銅尺記周尺考極精核

章趺草三卷

黃百家撰百家見子類

釀川集十三卷

許尚質撰尚質字又文山陰人

宋祖昱序曰尚質少業詩亦喜飲指邑中所謂沈釀川者自號因以名集

鈍齋文鈔七卷

楊兆蟾撰兆蟾字又平瑞金人

兆蟾自序曰生平著文三百餘首汰其三分之二授

諸梓焉

臣等謹按兆蟾自定其所著文淘汰謹嚴今觀其文尚不免冗穢之弊則張尚瑗序中稱其文似歸有光亦未免阿好矣

笏峙樓集五卷

張祖年撰祖年見子類

恕谷後集十卷續集三卷

李塉撰塉見經類

臣等謹按集首第一篇為送黃宗夏序後有題曰此王崑繩改本也恕谷初學八大家崑繩言當宗秦漢章法訂此恕谷後謂唐宋不如秦漢秦漢不如六經於文法一宗聖經題曰後集云

在陸草堂集六卷

儲欣撰欣見經類

道榮堂文集六卷 陳恪勤集三十九卷

陳鵬年撰鵬年字北溟號滄洲湘潭人康熙辛未

進士官至兵部侍郎河道總督諡恪勤

孫勲序曰滄洲自為牧令即受

聖祖仁皇帝特達之知著述甚富有詩若干卷行世既歿

其子學田等又取其文刊布之

咸齋文鈔七卷

查旭撰旭字咸齋海寧人康熙癸酉副榜貢生

冰齋文集四卷

懷應聘撰應聘字莘皋秀水人

清端集八卷

陳瓚撰瓚字文煥一字眉川海康人康熙甲戌進士官至福建巡撫諡清端

冶古堂文集五卷

呂履恒撰履恒字元素號坦庵河南新安人康熙甲戌進士官至戶部侍郎

雪鴻堂文集四卷

李鍾璧撰鍾璧號鹿嵐通江人康熙丙子舉人官

平南縣知縣

臣等謹按鍾壁之父名蕃有雪鴻堂集十八卷今鍾壁復以是名其例實為初見嘗考文獻通考載呂本中呂祖謙俱稱東萊集然祖謙集別加太史字又洪巖虎及其子希文俱名軒渠集而希文亦別加續字非竟全無區別者也

克念堂文鈔二卷

雷鐸撰鐸字伯覺浦城人康熙丙子舉人

陝西通志曰鐸事繼母孝負米他郡以養遇水幾溺嘗終日不食不致母缺于供家雖貧養從兄弟及寡姊妹不少懈朔望聚族人習禮講法以相勸勉

臣等謹按鐸至性過人事母之外偶涉筆墨故著述寥寥然其篤行足以自傳不必以文重也

湛園集十卷 湛園未定稿六卷 真意堂文稿

一卷

姜宸英撰宸英見史類

臣等謹按宸英未入明史館以前自輯者為湛園未定稿大興黃叔琳重編為十卷其文閎肆雅健有北宋人之遺風

澄懷園全集三十七卷

張廷玉撰廷玉字衡臣號硯齋桐城人康熙庚辰進士官至保和殿大學士諡文和

東山草堂文集二十卷詩集八卷續集一卷

邱嘉穗撰嘉穗見經類

古劍書屋文鈔十卷

吳廷禎撰廷禎字山綸長洲人康熙癸未進士官
至左春坊左諭德

臣等謹按廷禎恭逢

聖祖仁皇帝南巡以舉人

召試蒙

賜御書古劍篇敬以名屋其孫士端刊是集成因即取以

名之

績學堂文鈔六卷詩鈔四卷

梅文鼎撰文鼎見史類

臣等謹按文鼎精於推算詩文非所擅長而測驗之餘亦能兼及著述輯成是編嘗于康熙乙酉

聖祖仁皇帝南巡恭迎道左荷蒙

召對並

御書績學叅微四字賜之因以名堂并名其集則其詩文

足垂不朽疇謂一藝之微不足膺千古之榮遇乎
望溪集八卷

方苞撰苞見經類

苞自述曰周秦以前文之義法無一不備唐宋以
後步趨繩尺而猶不能無過差是以所作上規史
漢下仿韓歐不肯少軼於規矩之外

集虛齋學古文十二卷

方榮如撰榮如見楚詞類

蓼村集四卷

王革撰革字秋史歷城人康熙丙戌進士

雪鴻堂文集二卷

李鍾我撰鍾我號芝麓通江人李蕃之子康熙丙

戌進士官翰林院檢討

臣等謹按是編亦如其兄鍾璧以父集為名者也

初見之例殊不可解

王石和文集

無卷數

王璫撰璫字石和又字韞輝孟縣人康熙丙戌進士官翰林院檢討

十峰集五卷

徐基撰基字宗頊華亭人由貢生官訓導

臣等謹按是集自詩賦古文及填詞凡洋洋纚纚多至數千言者皆集前後赤壁賦中字以成文奇巧之思亘古未有末卷仿古迴文諸體亦錯綜盡變海昌陳元龍集聖教序中字以序之可謂勁敵

然基以畢生之力成此一集敝精神于無用之地
固大雅所弗尚若元龍之序不過偶一為之以示
才人狡獪之技則亦何不可之有

二希堂文集十二卷

蔡世遠撰世遠字聞之漳浦人康熙己丑進士官
至禮部侍郎諡文勤

臣等謹按世遠學詣深醇踐履篤實平日究心理
學不以文藝為專門而文亦理醇詞正具有本原

觀其自作二希堂記云學問未敢望朱文公庶幾其真希元乎事業未敢望諸葛武侯庶幾其范希文乎則務以古賢自期不規規於淺近之業可見卷首有雍正庚戌

皇上在藩邸時

親製序文一篇仰見

聖主賢臣結契在學問精微之際有非偶然者迨我皇上踐阼以來眷念舊學

特舉其文以示準繩其他著述並

命錄入四庫全書以垂久遠每蒙

詔諭字而不名寵禮之隆實為前古所未有是集凡序
四卷記一卷傳一卷論說書共二卷墓表志銘行
狀共一卷祝文祭文共一卷雜著一卷其耕藉賦
等六篇所以志榮遇故冠于簡端不入卷數云

退谷文集十五卷詩集七卷

黃越撰越字際飛康熙己丑進士改庶吉士

圭美堂集二十六卷

徐用錫撰用錫字壇長宿遷人康熙己丑進士官

翰林院編修

吾廬遺書

無卷數

陶成撰成見子類

改堂文鈔二卷

唐紹祖撰紹祖字次衣江都人康熙己丑進士由

庶吉士改刑部主事官至湖州府知府入為刑部

員外郎

師經堂集十八卷

徐文駒撰文駒字子文鄆縣人康熙己丑進士

墨瀾亭集

無卷數

帥我撰我字備皆號蘭齋奉新人康熙辛卯舉人
二水樓文集十卷詩集十八卷

李如旻撰如旻字履如臨川人康熙癸巳進士官
中書舍人

朱圉山人集十二卷

鞏建豐撰建豐字子文號渭川又號介亭伏羌人
康熙癸巳進士官至翰林院侍讀學士

練溪集五卷

傅米石撰米石字立元鉅野人康熙癸巳舉人

若庵集五卷

程庭撰庭字且碩號若庵歙縣人

嗜退山房稿五卷

帥仍祖撰仍祖字宗道號介亭山人奉新人

空明子文集六卷又二卷詩集十卷又八卷襍錄
一卷詩餘一卷

張榮撰榮字景桓華亭人

榮自序曰生平共得古文襍作六百餘首詩三萬
餘首詩餘一千五百餘首歌謠三百餘首康熙甲
午檢出盡付祖龍僅存三十分之一

雲溪文集五卷

儲掌文撰掌文字曰虞一字越漁宜興人康熙丁酉舉人官四川納溪縣知縣

臣等謹按是集又名雲溪隨筆雲溪者納溪之舊名也

近道齋文集六卷詩集四卷

陳萬策撰萬策字對初一字謙季安溪人徙居晉江康熙戊戌進士官至詹事府詹事終侍講學士白田草堂存稿二十四卷

王懋竑撰懋竑見子類

莊元仲集一卷

莊亨陽撰亨陽見史類

綠蘿山房文集二十四卷詩集三十三卷

胡浚撰浚字希張號竹巖會稽人康熙庚子舉人
存硯樓文集十六卷

諸大文撰大文字六雅宜興人康熙辛丑進士官

翰林院編修

蓄齋初集十六卷二集十卷

黃中堅撰中堅字震生吳縣人

冷士崱序曰震生少負文名志期遠大有不可一世意中歲遭無妄厯艱危憂患幾十年所雖困于時然年未艾即以明經荐人勸之仕謝不應端心古學惟以著述自娛

秋塍文鈔十二卷三州詩鈔四卷

魯曾煜撰曾煜字啟人別號秋塍會稽人康熙辛

丑進士改庶吉士乞養親歸

最古園二編十八卷

羅人宗撰人宗字紫蘿湖南桃源人康熙辛巳進士官至監察御史

陸堂文集二十卷詩集十六卷續詩集八卷

陸奎勲撰奎勲見經類

唐堂集六十一卷

黃之雋撰之雋字石牧號唐堂華亭人康熙辛丑

進士官至右春坊右中允

臣

等謹按之雋才華富瞻記誦亦淹博其持論之
正則排陸王而尊程朱然好為游戲之文又往往
不能割愛譬之陸機大有才多之患其號唐堂者
嘗游浯溪愛唐亭之勝取以名堂而因自號焉

小蘭陔集十二卷

謝道承撰道承字又紹號古梅閩縣人康熙辛丑
進士官至內閣學士兼禮部侍郎

崇德堂集八卷偶存草

無卷數

王植撰植見經類

墻東雜著一卷

王汝驤撰汝驤字雲衢一曰云劬又自書曰耘渠

金壇人貢生官通江縣知縣

臣等謹按汝驤制藝為世所推重是編乃所作古

文凡二十一首節取後漢王君公事故以墻東為

名

改庵偶集十卷

仲宏道撰宏道字開一桐鄉人康熙中舉人官知

縣

與梅堂遺集十二卷

佟世思撰世思字儼若正藍旗漢軍人蔭生官思

恩縣知縣

金閻齋集十二卷

金敞撰敞字廊明號閻齋武進人

前溪集十四卷

唐靖撰靖字聞宣武康人康熙中諸生

有懷堂詩文集一卷

田肇麗撰肇麗字念始號蒼厓德州人由蔭生官

戶部郎中

靜便齋集十卷

王曾祥撰曾祥字睿徵仁和人康熙末諸生

青嶼稿存

無卷
數

張安絃撰安絃字琴父烏程人

蔗尾詩集十五卷文集二卷

鄭方坤撰方坤見經類

臣等謹按方坤之文根柢於六朝喜作儷體其詩洋洋纚纚凌厲一切尤喜屢疊澁字險韻以見出奇無窮才多之患所不免焉

涵有堂詩文集四卷

游紹安撰紹安號心水福清人雍正癸卯進士官

至南安府知府

繭甕集八卷續編一卷附錄詩餘一卷

紀達宜撰達宜字肖魯文安人雍正癸卯進士官

至刑部員外郎

達宜自序曰所作有集園集閩游集龍城集楚江
集甌越集辟雖集見山樓集閒雲集晚年刪定為
此編

已山文集十卷別集四卷

王步青撰步青見經類

臣等謹按是集原名竹里草堂遺稿雷鋹督學江蘇從其子士鼇取而刪定之即其別號改題今名為文集十卷其別集四卷皆時文選本之序論乃士鼇所附錄

司業文集四卷

陳祖范撰祖范見經類

果堂集十二卷

沈彤撰彤見經類

松泉文集二十卷詩集二十六卷

汪由敦撰由敦號謹堂錢塘籍休寧人雍正甲辰進士官至吏部尚書諡文端

臣等謹按由敦遭際

昌期矢音賡唱每于簪筆之餘仰承

指授故其文具有本原詩格亦進而彌上茲集為其子

戶部侍郎承需所編荷蒙

御製詩章弁冕簡首榮傳藝苑實千古詞臣所罕匹者
已

王艮齋集十四卷

王峻撰峻字次山常熟人雍正甲辰進士官至江
西道監察御史

笠洲文集十卷

瞿源洙撰源洙字時夏荆溪人雍正甲辰副榜貢
生授當塗縣教諭

源洙與湯學海書曰僕拈題下筆時意多而不能
割行文往往散緩無力閒常取古人之文而熟思
之其高處在能棄棄之也精則出之也粹矣

鹿洲初集二十卷

藍鼎元撰鼎元見史類

小山全稿二十卷

王時翔撰時翔字皋謨一字抱翼號小山鎮洋人
雍正戊申由諸生薦舉授晉江縣知縣官至成都

府知府

就正草一卷

徐璽撰璽號雷溪進賢人雍正己酉拔貢生

松源集

無卷數

孫之騷撰之騷見經類

四馬齋文集八卷

曹一士撰一士字諤庭號濟寰上海人雍正庚戌

進士官至兵科給事中

花語山房詩文小鈔一卷附三重賦一卷燕京賦
一卷金管集一卷

顧成天撰成天見楚詞類

臣等謹按雍正庚戌辛卯二年成天侍值

內廷時得詩六十八首文二十三首輯為是集花語
山房者

苑外直廬之名附賦二卷則其未通籍以前所作內
三重賦一篇嘗於

聖祖南巡恭錄進獻金管集者蔡嵩所摘選皆有闕世教
之作

冠豸山堂文集三卷

童能靈撰能靈見經類

桑綬甫集八十四卷

桑調元撰調元見經類

柯椽集一卷

周宣猷撰宣猷字辰遠長沙人雍正癸丑進士官

至浙江鹽運通判

松桂讀書堂集八卷

姚培謙撰培謙字平山華亭人

芝壇集二卷

張鵬翼撰鵬翼見史類

慎獨軒文集八卷

劉青霞撰青霞字嘯林襄城人雍正中諸生

王心敬序曰青霞愛司馬遷班固書未嘗釋手故

文頗似之

孱守齋遺藁四卷

姚世鈺撰世鈺字玉裁號薏田歸安人

全祖望跋曰薏田之學私淑義門墨守太堅

在亭叢藁二十卷

李果撰果字碩夫號在亭長洲人

果自述曰弇州北地文古而患乎似義烏延陵文
真而患乎淺欲救似與淺之病惟在讀書窮理

二須堂集二卷

丁詠淇撰詠淇字瞻武號菴濱居士錢塘人

香域內外集十二卷

釋敏脣撰敏脣蘇州花山翠巖寺僧

敲空遺響十二卷

釋如乾撰如乾字憨休四川人主陝西興善燉煌

等寺

月湖賸稿一卷

王樛撰樛見子類

後海書堂遺文二卷

王孝詠撰孝詠見子類

藍戶部集二十六卷

藍千秋撰千秋字長青宜黃人官至

盛京戶部員外郎

豐川全集二十八卷 豐川續集三十四卷

王心敬撰心敬見經類

凡例曰康熙丙申刻有正續集二十八卷自丙申至乾隆戊午與當代大人君子相酬答及與門人子弟講說辨論者視前刻倍多今裒成三十四卷臣等謹按凡例既云丙申已刻有正續集是三十四卷乃再續之本矣然二十八卷實無正集續集之分則未審其故也

萬青樓詩文殘編一卷

邵昂霄撰昂霄見子類

隱拙齋集五十卷

沈廷芳撰廷芳見經類

黃靜山集十二卷

黃永年撰永年字靜山江西廣昌人乾隆丙辰進士官至常州府知府

史復齋文集四卷

史調撰調字勻五號復齋晚號雲臺山人華陰人乾隆丙辰進士官仙遊縣知縣

趣陶園集十五卷

魯之裕撰之裕見史類

臣等謹按是編目錄為式馨堂集與所作急瀾瑣言同蓋式馨堂乃集之總名此則其分題之名耳

玉芝堂集九卷

邵齊燾撰齊燾字荀慈昭文人乾隆壬戌進士官

翰林院編修

燕川集六卷

范泰恒撰泰恒字無厓河內人乾隆乙丑進士改庶吉士外補崇義縣知縣

凝齋遺集八卷

陳道撰道字紹洙號凝齋江西新城人乾隆戊辰

進士

浩波遺集三卷

鄭際熙撰際熙字大純侯官人乾隆丙子舉人

際熙自述曰能詩者未嘗先言法而自中法且神

而明之變化以自成其法未有按一定之科條而譜之舍其性情才力俯首以從法也

強恕齋文鈔五卷

張庚撰庚見史類

西澗草堂集四卷

閻循觀撰循觀見經類

放鶴村文集五卷

張侗撰侗字同人一字石民諸城人

臣等謹按侗文乙乙冥冥不離乎公安竟陵之窠
白然方邁作侗傳稱其有孝行多奇節則其人足
以自傳矣

古雪堂文集十九卷

王令撰令字仲錫渭南人拔貢生官至廣東按察
使

薪樵集四卷

許昌國撰昌國字仔賡原字一清荆溪人歲貢生

璞堂文鈔十一卷

許重災撰重災字少來荊溪人昌國之子

臣等謹按昌國之子皆篤行好修之士故集中多講學之文亦頗切實近理迥異空談性命者流于忠孝節義言之尤切可謂務本之學固不必以詩文見長也

彙書六卷

王鳳九撰鳳九仙遊人

鳳九自序畧曰是集倣笠澤叢書之例故以彙書
名之

天門文集六卷詩集六卷

吳盛藻撰盛藻字觀莊和州人拔貢生官至廣東
按察使副使

皇朝文獻通考卷二百三十三

欽定四庫全書

皇朝文獻通考卷二百三十四

經籍考 二十四

集 詩集

臣等謹按馬端臨於別集外復輯詩集一門凡無
文而獨有詩及有文而詩仍獨行者胥隸焉伏讀
我

皇上御製樂善堂文集並

欽定四庫全書



皇朝文獻通考

卷二百三十四

御製文初集

奎藻騰輝裒成巨帙而

御製詩自初集以至四集篇逾三萬騰誦寰瀛不特為
歷代帝王之所無即上下千餘年望重詞壇著述
浩博者亦疇能仰希萬一自今以往

富有日新更不知以幾千萬億計是非分門恭輯曷由
見

典謨賡咏各極其隆有如是之空前軼後者爰仍端臨

舊例別輯是門而以臣下之單行詩集敬附於後
其已見別集類者亦不復更載焉

御製詩初集四十四卷目錄四卷二集九十四卷目錄
十卷三集一百卷目錄十二卷四集一百卷目錄十
二卷

皇上御製初集序曰向叙樂善堂集云夙昔典學所心
得不忍棄置後雖有作或出詞臣之手真贋各半且
亦不欲與文人學士爭長故十數年來臣工以編次

詩文集為請者概弗許然幾務之暇無他可娛往往
作為詩古文賦文賦不數十篇詩則托興寄情朝吟
夕諷其間天時農事之宜涖朝將祀之典以及時巡
所至山川名勝風土淳漓罔不形諸咏歌紀其梗概
積至今以數千百首計矣而較晴量雨憫農疾苦之
作為多觀其詩可以知憂勞而驗今昔使閱歲逾時
或致殘缺失次其不忍棄置較先為甚因取丙辰以
迄丁卯所作略加編定都為四十四卷古今體計四

千一百五十首有奇命翰林中書畫端楷者分卷鈔錄裝為一集不付剞劂猶初志也

臣等謹按

御製詩已刻者凡四卷皆合古今諸體編年為次自乾隆元年丙辰至乾隆十二年丁卯為初集計詩四千一百五十餘首自乾隆十三年戊辰至乾隆二十四年己卯為二集計詩八千四百七十餘首皆大學士蔣溥恭校自乾隆二十五年庚辰至乾隆

三十六年辛卯為三集計詩一萬一千六百二十
餘首大學士于敏中恭校自乾隆三十七年壬辰
至乾隆四十八年癸卯為四集計詩九千七百餘
首協辦大學士梁國治恭校通三萬三千八百七
十餘首三百七十二卷極古今詩集之富無有過
於我

皇上者仰見

敬

天法

祖勤民愛物之念殷於

宵旰者五十年猶如一日故宣為歌詠者三萬篇如出

一源至於

覽蹟考器陟巘觀泉

宸翰昭垂固非道妙蓋

天章富有積萬首始彙成編而海濫情殷閱一紀始窺
新製故當四集奏竣在

大聖人冲懷謙抑猶是不令付梓之初心而中外臣庶
益思進覲

鴻篇方冀剏厠氏之雕鋟無已也矣

靜惕堂詩集四十四卷

曹溶撰溶見史類

橘洲詩集六卷

范士楫撰士楫字箕生定興人前明崇禎丁丑進

士人

國朝官至吏部郎中

臣等謹按士楫是集皆順治乙酉以後所作諸詩
卷首有自序一篇述其作詩梗概詞多奧澁尚沿
明季風氣故其詩亦未能湔除餘習戛然自造
棲雲閣詩十六卷拾遺三卷

高珩撰珩字葱佩號念東晚號紫霞道人前明崇
禎癸未進士入

國朝官至刑部侍郎

臣等謹按王士禎居易錄曰珩生平撰著不減萬篇今觀其詩多不經意之作蓋揮寫有餘而凝鍊不足也

蕉林詩集

無卷數

梁清標撰清標字玉立清苑人前明崇禎癸未進士改庶吉士入

國朝官至保和殿大學士

九山游草一卷
梅花百咏一卷

李確撰確見史類

二槐草堂集

無卷數

王翊撰翊字介人嘉興人

王晫今世說曰翊少失學論益不卒讀識字而已
弱冠偶覽傳奇即欣然會意曰此無難吾亦能之
即據案唔唔學填詞竟合調自後學不稍懈工詞
曲又進攻詩然貧日甚抱膝苦吟落落不問家人

產

直木堂詩集七卷

釋本畫撰本畫字天岳號寒泉子居紹興平陽寺
李鄴嗣序曰天岳詩非有人作序幾不知為曲糸
座上人也

黃宗羲序曰天岳五律上入王孟之室次不落大
復以下

南耕草堂詩稿

無卷數

曹亮武撰亮武字渭公號南耕宜興人

雲龕遺稿一卷

梁春暉撰春暉號淑三福建長樂人

春暉孫澄漪跋曰初名雲龕吟稿嘗謀鋟板而力未逮藏棄既久不幸為蟲鼠所戕剝蝕斷爛至不可讀細加檢錄得其首尾完具者僅十之一二裒為一卷顏曰雲龕遺稿云

茂綠軒集四卷

顧夢游撰夢游字與治江寧人前明諸生

學菴二集十二卷

吳懋謙撰懋謙字六益松江人

徐太拙詩稿

無卷數

徐振芳撰振芳字太拙山東樂安人

蘧廬詩

無卷數

韓純玉撰純玉字子蘧別號蘧廬居士歸安人

毛先舒序曰子蘧詩悲涼沈遠矯然不羣

朱彞尊序曰子蘧五古詩波瀾老成南北行旅諸

篇尤為奇崛

張秦亭詩集十三卷

張丹撰丹字祖望原名綱孫錢塘人

蕊雲集一卷晚唱一卷

毛先舒撰先舒見經類

筠溪集七卷

范青撰青字筠堅上海人

橘苑詩鈔十一卷

諸匡鼎撰匡鼎字虎男錢塘人

完玉堂詩集十卷

釋元璟撰元璟字借山浙江天童寺僧

臣等謹按元璟居武陵曾結西溪吟社一時名流
皆相過從推服者頗衆王士禎居易錄亦摘錄其
句雖根抵未深而落筆清新絕無一點塵俗之氣
冬闕詩鈔六卷

釋通復撰通復字文可嘉興人

蘭雪堂詩集三卷

謝賓王撰賓王字起東臨淄人順治丙戌進士官

南康府推官

黃山詩留十六卷

法若真撰若真字漢儒號黃石一字黃山膠州人

順治乙酉以五經

特賜中式授中書舍人丙戌成進士改庶吉士官至南康

府知府

心遠堂詩集十二卷

李霸撰霸字坦園高陽人順治丙戌進士官至大學士謚文勤

臣等謹按霸詩春容和雅不為叫囂之音故能黼黻

昇平導揚雅化際一時交泰之盛荷

九重特達之知所謂和聲以鳴盛者誠不同乎瓦缶之響也

且亭詩集

無卷數

楊思聖撰思聖字猶龍鉅鹿人順治丙戌進士官

至四川布政使

夢吟集一卷續集一卷

王天春撰天春字魯源濟寧人順治丙戌進士官

至兵部侍郎

佳山堂集十卷

馮溥撰溥字易齋益都人順治丁亥進士官至大

學士

馮定遠集十一卷

馮班撰班見子類

臣等謹按班與其兄舒皆以詩名稱海虞二馮然舒之論詩講起承轉合最嚴班則欲化去此法微有不同要其所作俱淵源於才調集玉臺新咏二書則其風格猶未能進而益上也

志壑堂詩十五卷

唐夢賚撰夢賚字濟武淄川人順治己丑進士官

翰林院檢討

姜宸英序曰讀其經世之言所謂籌餉積穀銅鈔
改漕之法訏謨碩畫鑿鑿皆可見之施行

王士禎序曰夢賚文近於蒙莊詩近於東坡慈溪
前集二十四卷後集八卷今選定為十五卷

寶綸堂集五卷

許纘曾撰纘曾見史類

臣等謹按續曾集中樂府規倣舊文七言古詩多學初唐四傑之作頗能不為宋體所惑

漫餘草一卷

王庭撰庭見子類

臣等謹按庭所為詩有秋間三仕二西諸草是集刻於康熙戊辰乃其晚歲所訂大約近體多於古體七律一種又多於諸體

循寄堂詩稿

無卷數

朱廷燝撰廷燝字山輝富平人順治己丑進士官
至河南布政使叅政

容菴詩集十卷辛卯集一卷

孫爽撰爽字子度錢塘人

萬山樓詩集二十四卷

許虬撰虬字竹隱長洲人順治辛卯舉人官至思
南府知府

林卧遙集三卷

趙吉士撰吉士見史類

臣等謹按是集凡詩一千五百餘首題雖不一皆

疊金壇于漢翔所貽四首之韻初名疊韻千律尋又續得五百餘首名曰千疊波餘合為是集夫和詩而至千餘首之多亦古今所罕見以云能工則未之信也

張康侯詩草十一卷

張晉撰晉字康侯狄道人順治壬辰進士官丹徒

縣知縣

慙齋存稿四卷

白乃貞撰乃貞字廉叔號藥淵順治壬辰進士官翰林院檢討

堪齋詩存八卷

顧大申撰大申字震雉一字見山華亭人順治壬辰進士官至戶部郎中

陳伯璣跋曰大申七律高華可追王李

天延閣詩前集十六卷後集十三卷花果會唱和
詩一卷贈言集四卷 瞿山詩略三十三卷

梅清撰清字潤公號瞿山宣城人順治甲午舉人
涑亭詩略一卷

林堯光撰堯光字覲伯莆田人順治中拔貢生官
行人司行人

浣亭詩略二卷浣亭歸來吟一卷附山蘊花塹長
短句一卷

林堯華撰堯華字開伯莆田人堯光之弟順治甲午舉人官榆次縣知縣

鄭王臣序曰堯光伯仲詩各臻妙境堯光尤秀拔當為馬氏白眉

鶴嶺山人詩集十六卷

王澤宏撰澤宏字涓來黃岡人順治乙未進士官至禮部尚書

綿津山人詩集十八卷附楓香詞一卷緯蕭草堂

詩一卷

宋瑩撰瑩見史類

劉榛序曰綿津集如種樹然方初植雖一病葉不忍摘久之而繁枝芟焉又久之而歧幹斲焉

臣等謹按是集合子目十有四種大抵其初旋出旋刻故瑕瑜互見後撫江右時屢自刪削併為是編而諸集之目如舊後又自訂西陂類稿悉取此集中詩而去之則學問愈深故盡悔其少作耳

漁洋詩集二十二卷 續集十六卷 南海集二

卷 雍益集一卷 精華錄十卷

王士禎撰士禎見史類

盛符升序雍益集曰先生自言再使秦蜀往返萬里得詩纔百餘篇皆寥寥短章無復當年蜀道南海豪放之格

臣等謹按士禎詩正續集三十八卷皆其生平刻意之作蓋士禎官詹事以前文章聲譽遍滿騷壇

方與天下作者馳逐名故是二集為菁華所聚
至南海集則其奉使祭告南海往還之作趙執信
謂其開卷二詩似羈臣遷客之語雍益集則為奉
使祭告西岳西鎮江瀆時所作嘗自言老耽禪寂
遇事短吟略放西竺氏偈頌不應作文字觀矣精
華錄十卷乃士禎刪掇諸集手定成帙其子啟沂
以為曹禾盛彥升所錄蓋託辭也

掄山集選一卷

王士禔撰士禔字禮吉山東新城人

閒居草一卷

董含撰含字榕菴華亭人

秋菴集八卷

吳兆騫撰兆騫字漢槎吳江人順治丁酉舉人緣
事戍寧古塔蒙

恩赦還

嵩菴集五卷

馮甦撰甦見史類

行素堂詩集一卷

李如蕩撰如蕩字仲淵高陽人順治己亥進士官
鄆都縣知縣

臣等謹按如蕩之祖父均遭明末之難如蕩閭閻
冒險尋訪遺踪扶櫬歸里鄉人至今稱其孝行云
笠山詩選五卷

孫蕙撰蕙見史類

王士禎序曰蕙工五七言詩雖古作者無以加之
谷口山房詩集十卷

李念慈撰念慈字屺瞻號劬庵涇陽人順治辛丑
進士官河間府推官改補新城縣知縣緣事褫職
後以運餉有功再授天門縣知縣

證山堂集八卷

周斯盛撰斯盛字屺公鄞縣人順治辛丑進士官
即墨縣知縣以事繫獄後放歸

時一吟詩四卷

黎耿然撰耿然字介巷晉江人始為諸生後從軍

積功至雲南總兵官

積書巖詩選

無卷數

劉逢源撰逢源字津逮廣平人

稽留山人集二十卷

陳祚明撰祚明字允倩錢塘人

浙江通志曰祚明博學善屬文以貧傭書京師歿

於客邸所著有詩二十卷詞一卷古文尤富

臣等謹按詞與古文今皆未見此其詩集也亦名
敝帚集

性學吟二卷

徐世沐撰世沐見經類

臣等謹按是編以詩講學皆拈太極仁義之類為
題又時附夾注數語

定峯樂府十卷

沙張白撰張白原名一卿號定峯江陰人

葭里集六卷葭里二集六卷葭里三集五卷

周鑄撰鑄字若柯南和人順治中諸生

魏裔介序曰鑄詩溫潤清脫唐人中項斯馬戴可
以伯仲

突星閣詩鈔十五卷

王戩撰戩字孟穀漢陽人

戩從子楠識曰前五卷阮亭付梓後九卷朱愷仲

董養齋所鐫末一卷則許謙次諸人所刻

杏村詩集七卷

謝重輝撰重輝字千仞號方山德州人大學士陞
子由蔭生官至刑部郎中

蕭亭詩選六卷

張實居撰實居字賓公號蕭亭鄒平人

王士禎序曰肅然之陰其東面曰大谷谷中二十
四村皆隱逸之奧區實居得靈芝五色於山麓泉

上因作採芝山堂詩千餘首樂府古選尤有神解
為擇其最者三百篇為此集云

後圃編年稿十六卷

李嶠瑞撰嶠瑞字蒼存盱眙人

王士禎序曰嶠瑞詩縱橫有奇氣

丁野鶴詩鈔十卷

丁耀亢撰耀亢字西生號野鶴諸城人順治中由

貢生官至惠安縣知縣

吾好遺稿一卷

章靜宜撰靜宜字湘御吳縣人順治中諸生

萊山堂集八卷遺稿五卷

章金牧撰金牧字雲李歸安人官栢鄉縣知縣

江冷閣詩集十四卷

冷士崑撰士崑見別集類

澄江集

無卷數

陸次雲撰次雲見史類

臣等謹按尤侗序曰次雲尚有玉山集附此以傳
今未之見

恕齋偶存七卷

方士穎撰士穎字伯陽淳安人諸生

耐俗軒詩集三卷

申頤撰頤字敬立廣平人副榜貢生

一漑堂詩集一卷

余光耿撰光耿字介遵婺源人康熙初諸生江南

通志作舉人

陽山詩集十卷

陳炳撰炳字虎文長洲人

黃中堅跋曰炳詩有松頂紅裙拖綠上山腰白鳥
破青飛之句由是知名

黃葉村莊詩集十卷

吳之振撰之振字孟舉石門人貢生官中書科中
書

璇璣碎錦二卷

萬樹撰樹字紅友宜興人

臣等謹按是集皆迴文詩圖組織頗巧然敝精神於無用之地固大雅所弗尚也

彊恕堂詩集八卷

高之驤撰之驤字仲治淄川人

重知堂詩二卷

趙善慶撰善慶字怡齋德州人貢生官至金華府

知府

王士禎序曰怡齋之詩妙在本色

寵壽堂詩集三十卷

張競光撰競光字覺菴杭州人

雪菴詩存二卷

丁嗣徵撰嗣徵字集虛嘉善人

尺五堂詩刪六卷

嚴我斯撰我斯字存菴歸安人康熙甲辰進士第

一官至禮部左侍郎

珂雪詩

無卷數

曹貞吉撰貞吉字升六號實菴安邱人康熙甲辰進士官至禮部員外郎

臣等謹按王士禎嘗選十子詩略貞吉其一也詩格道鍊為世所推惜稿多散佚故士禎感舊集所選登望海樓吳山晚眺金山諸詩是集中皆未之見焉

戒菴詩存一卷

邵遠平撰遠平本名吳遠字戒三仁和人康熙甲辰進士官至光祿寺少卿己未

召試博學鴻詞授翰林院侍讀歷遷詹事府少詹事

遠平自序曰己未再入京五載內所作多典禮紀頌之章

雪園詩集六卷

梁珪撰珪字至鉉號雪園福建長樂人

樂圃詩集七卷

顏光敏撰光敏字遜甫一字修來曲阜人康熙丁未進士官至吏部考功司郎中

柳村詩集十二卷

董訥撰訥見史類

張希良序曰訥有別墅在城南二里曰柳村取以名集今

上四十一年冬

法駕時巡幸柳村之南樓

御書眷念舊勞四大字以旌其墓又

命其子思凝繕寫遺集上之

石屋詩鈔八卷補鈔一卷

魏麇徵撰麇徵字蒼石漂陽人康熙丁未進士官

至邵武府知府

慎修堂詩集八卷

廖騰燿撰騰燿字占五號蓮山將樂人康熙己酉

舉人官至戶部侍郎

王巖詩集七卷

林麟焄撰麟焄字石來莆田人康熙庚戌進士官

至貴州提學僉事

古鉢集選一卷

王士祜撰士祜字叔子一字子側號東亭又號古

鉢山人山東新城人康熙庚戌進士

計東跋曰三王並工詩西樵阮亭早達故聲譽起

若東亭之才詎肯作蜂腰哉

世恩堂集三十五卷

王頊齡撰頊齡號瑁湖華亭人康熙丙辰進士己未

召試博學鴻詞授編修官至大學士謚文恭

臣等謹按頊齡遭遇

昌時荷蒙

特拔從容館閣游陟台衡故其詩雍容和雅多太平黼黻

之音昔人所謂臺閣文章蓋如是也

寶書堂詩稿四卷

河上草二卷

蘭樵歸田稿

一卷

張榕端撰榕端見史類

龐壇序寶書堂稿曰榕端詩和而不迫秀而不纖
逸而不肆宛轉纏綿一寫其胸中之趣而未嘗借
以宣其喜怒不平之氣

宋肇序河上草曰榕端泥塗攢橈捷石沈薪卒以

塞決乃不見其有歌咏勤苦之勞而往往道其達
天適性之學

彭椒巖詩稿二十二卷

彭開祐撰開祐字孝緒號椒巖婁縣人康熙丙辰
進士官至武岡州知州

翠滴樓詩集六卷

馮雲驪撰雲驪字懿生代州人康熙丙辰進士官

翰林院編修

清芬堂存稿八卷

胡會恩撰會恩字孟綸德清人康熙丙辰進士官
至刑部尚書

西澗初集六卷

劉然撰然字簡齋江寧人

受祺堂詩集三十四卷

李因篤撰因篤字子德又字天生富平人康熙己
未

名試博學鴻詞授翰林院檢討

深秀堂近草五卷

潘鍾麟撰鍾麟字層峰華亭人

因園集十三卷

趙執信撰執信號秋谷晚號飴山老人博山人康熙己未進士官至左春坊左贊善

門人丁際隆跋曰辛酉秋重謁秋谷先生於因園時先生病目彌甚不作詩者六年矣從仲君羹梅

得先生手定詩稿分十三集錄副未及校而羹梅
遂索原本以去歲寒無事乃校一過曩見手書濟
南竹枝及宿法慶寺二律皆不在蓋所刪多矣
艮齋倦稿十五卷

尤侗撰侗見史類

臣等謹按侗詩除已載全集及鶴棲堂稿外此其
晚歲之作故曰倦稿

野香亭集十三卷

李孚青撰孚青字丹壑合肥人大學士天馥子康熙己未進士官翰林院編修

雪石堂詩草

無卷數

劉爾懌撰爾懌字敬又宜君人康熙己未嘗薦舉博學鴻詞

蓮洋詩鈔十卷 別本蓮洋集二十卷

吳雯撰雯字天章本遼陽人寄籍蒲州康熙己未嘗薦舉博學鴻詞

晚樹樓詩稿四卷

吳震方撰震方見經類

臣等謹按震方以御史罷歸康熙癸未恭逢

聖祖南巡進所輯朱子論定文鈔蒙

恩復職復

御書白居易詩賜之因摘詩中晚樹二字名其樓

徐都講詩一卷

徐昭華撰昭華字亦曰昭華駱加采之妻

臣等謹按昭華之父咸清嘗與毛奇齡游迨奇齡里居年已垂暮昭華以詩請業稱女弟子故有都講之目是編即附刻西河集後陳維崧序之

山曉閣詩十二卷

孫琮撰琮字執升嘉善人

香草居集七卷

李符撰符本名符遠字分虎號耕客嘉興人

寶蘭堂遺詩二卷

趙執端撰執端號緩菴益都人

臣等謹按執端為執信之從弟王士禎之甥執信著談龍錄以指摘士禎執端獨舍兄而從舅字摹句擬間亦得其形似所過士禎舊居詩為其兄談龍錄而作在執信負氣之過誠所不免然執端竟以羣兒謗傷詆之是亦可謂已甚已

友栢堂遺詩選二卷

馮協一撰協一字躬暨益都人大學士溥第三子

以溥蔭官至臺灣府知府

雙溪草堂詩集十卷附遊西山詩一卷

汪晉徵撰晉徵字涵齋休寧人康熙己未進士官至戶部侍郎

老雲齋詩刪十卷

沈不負撰不負字集九一字次山平湖人

陸奎勲序曰康熙己卯不負刪其詩存十之五編年而不分體以授其子方蕙曰汝他日力能開雕

當名之曰老雲齋詩刪不必更有增入

馮舍人遺詩六卷

馮廷樞撰廷樞字大木德州人康熙壬戌進士官

中書舍人

艾納山房集五卷

王九齡撰九齡字子武華亭人康熙壬戌進士官

至都察院左都御史

臣等謹按九齡之詩純以情韻勝蓋挹何李之流

波而加以富艷者

嶺南二紀二卷

茅兆儒撰兆儒號雪鴻錢塘人

臣等謹按是編皆其紀遊之詩二卷共三百八十
題每題皆以絕句一首系之

愛日堂詩二十七卷

陳元龍撰元龍見子類

臣等謹按愛日堂者

聖祖仁皇帝御書匾額也其詩編年分集多鳴盛之和聲
倚雲閣詩集一卷

汪灝撰灝字文漪一字天泉臨清人康熙乙丑進
士官至貴州巡撫

峴老編年詩鈔十三卷

金張撰張字介山錢塘人

皇朝文獻通考卷二百三十四